

docriver 文川网
入驻商家
在文川网搜索古籍书城 获取更多电子书


中國方志叢書·華北地方·第一〇號

據 民國王億年修劉書旂纂
民國四年鉛印本 影印

S1/H375

河北省

任縣志



成文出版社有限公司印行




中國方志叢書·華北地方·第二一〇號

據 民國王億年修劉書旂纂
民國四年鉛印本 影印

河北省

任縣志



51152

成文出版社有限公司印行



中華民國五十八年 月壹一版

任縣志

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

方志出體近古講亦益備蓋居狀一方出
史矣史出用述往開來為為國者所可鑑
惟詳鉅畧細其一地出肥磽一隅出和病
得失若者與天下同若者與天下異恆于
方志焉補出知國史出用為為國者所不
廢則知為政一方亦不得專營近計視方
志無足更輕矣今吾國自罹禍亂後勢益

歲變益紛為政者率曰督察催科能就近
功為通勢合變并前朝所遺教養諸政均
曰為非時所急咸任置出建此論號通中
舉斯職稱能吏所為或異共迂而笑出矣
至問督察所憑曰必習其遺風深俗也催
科奚本曰必識其地力民情也嗟乎祗能
督察催科百務不進且不足脫艱危濟時

變也矧為斯二事已不能離其地也現情
往勢冒冒奏功則夫言方志于今日又豈
可視為不急迂而笑也哉顧在今能舉斯
二者已歎不數更能于勢亟事繁出日博
考勞搜籀成一方出史將不惟其不可喜
其志識宏遠在晚近得出益難矣湘鄉謝
君鼎麟前宰任縣數載有惠政余長直隸

民政時讞君已却事居津來謁出其所為
任縣志徵序刊余諾出所公欠未及為
命奉旨叅政居京讞君復來申前請意至
畝勤余讀其書見其上下古今舉一方也
疆域政俗生業物產條列秩狀若指掌而
示文理後出為政者不俟旁徵開卷得為
政出要讞君志識且于斯志畢驗出其在

職出能更無論矣去徒知督察催科不欲
明民進化旨趨時合變也則足倘其不爾
將超乎尋常吏事旨外求志能及遠識足
燭微出本本斯民往勢旨造來今如謙君
者余將厚望不己矣豈沾沾於一方出志
一隅出政云爾也哉

中華民國三年七月鹽函劉若曾序



任縣志序

古者循名必責實而劉彥和則曰意徵實而難巧是非謂實之不足重謂實之不易徵也人之修於己則貴實行實學及乎物則貴實心實政安往而不宜求其實者矧志乘所關將以彰文獻備掌故而可不考實以期垂之久遠哉任邑志重修於道光初年自後杳無賡續簡編缺如上湘謝君蓉墀蒞官斯土見其民情樸實男耕女織饒有唐魏遺風惟近年來人文不甚振起慨然引爲有司之憾爰集司訓陳君學愚並學警各員悉心蒐輯商榷校讎所有山川風土人情以及沿革建置藝文風節體例統以八門考證必歸於當採訪必求其真期無一端之不實

焉耳余前權順郡素佩謝君學道愛人實事求是今者修志猶是心也承以書索弁言自愧譎陋不文何敢撫拾貽作者羞然心心相印樂觀厥成至於志之能詳能實與否觀者當自得之而作者則盡心以求其實藉以存一邑之文獻俾觀風者有所考證云爾是爲序

宣統三年歲次辛亥孟夏四月中浣署保定府知事蘇完瓜

爾佳延齡謹撰

任縣志序

邑志始輯於有明隆慶元年再輯於我朝康熙十二年道光初復修之隆慶志久無傳本道光志又簡略無足採今所據惟康熙志而已自康熙迄今二百五十餘載時遷事貿紀載闕如蓋文獻之散佚久矣余以光緒乙巳之夏奉檄蒞任始至之日出郡城循牛尾河而東不三十里而至邑境於焉察其風土溝塍鱗次流水環通汲引以時頗稱膏沃東北環大陸平疇千頃雖時有積潦之害而以食其福者爲多東帶滏陽灌溉運輸農商均沾其利其民則男務耕耘女勤紡織山樞葛屨猶然唐魏之遺其士則遵律令敬長官循循規矩而相尙以儒素蓋邑東

連鉅鹿而無其愚悍之風北接唐山而無其刁健之習斯固一方之所獨美者也所不足者人文之振起耳當前明中葉此邦人士未嘗不有聲於時而乃以繼起乏人遂使先達遺型日遠日泯微論追蹤繼武甚有並其姓字弗識者今試與近溯國初訪劉霖蒼循良之績遐稽勝代緬趙含章蹇諤之風年代匪遙知者已鮮又况游太傅之芳躅遠在拓跋之朝張徵士之高標渺在當塗之世者乎固由家少藏書人無績學而亦邑乘殘缺無以昭示來茲故也余撫任六載百度粗舉憫士風之譴陋思有以引進之而傳記所載古人之嘉言懿行雖皆足啟發人心要不若生於其鄉者爲易觀感而興起也故莫如修志爲最

宜而以勞勞於期會簿書無暇從事司訓陳君學愚學優而文美因以志事屬之採訪調查則委之學警各員爰以己酉歲四月開局纂輯越十二月書成是役也固將稽掌故酌經常閱民風核物產俾生於斯者知所以鑒古而矯失吏於斯者知所以通變而宜民而尤在發潛闡幽取老成典型作後進模楷庶高山景仰人思奮發勗其所不足者益保其所獨美者斯又將來之志所待以延譽而增重者也邑人士其勉乎哉若夫時勢既殊理想亦從而稍異今志之作有不能盡同於昔者則義具例言無俟余之贅論矣

宣統二年五月下浣知任縣事湘鄉謝長麟序

天津華新印刷局印

縣之有志所以存掌故徵文獻兼以知人民之苦樂風俗之美惡者也顧或因兵燹之餘卷帙零落風雨剝蝕散佚無存則拾遺補闕誠官斯土者之責也任縣志書權輿於明隆慶元年再輯於清康熙十二年道光初葉復修之迨咸豐三年突遭洪楊之變志書版片悉付劫灰自是缺而未備者蓋六十年於茲矣前任湘鄉謝君蓉墀官任久以邑乘之闕如而無以昭示來茲也乃慨然以志事自任爰屬司訓陳君學愚實司編纂並督學警各員闡幽抉隱蒐討靡遺九閱月而書成義例燦然胥臻純美信足爲任邑光矣嗣因謝君陳君先後受代去且攜斯編丐序於前民政長劉原稿久未發還故遲遲迄未付梓去年秋余

docsriver 文川网
入驻商家 古籍书城

在文川网搜索古籍书城 获取更多电子书

奉檄知任縣事下車伊始輒以政治之良窳俗尚之同異以及疆域沿革水道變遷與都人士翻覆研究冀可以循名覈實獲洞悉其底蘊徒以志書烏有考鏡無資北望塔屹之臺西問長廊之柳俯仰徃徠亦僅得其形似已耳爰進紳耆而謀之略謂邑無志書不特學校禮制田賦兵刑犖犖大者欲考其興廢利病而莫由甚至一物產之微一藝文之末亦浸假而昧所從來今而不亟事補輯烏乎可况前因重修畿輔通志今因清史館纂辦地理志迭奉長官檄催賚送志書以資參攷是則編刻志書之舉更有不可須臾緩者諸紳耆以舊本之待鐫懼前修之難續無不翕然樂從用是以劉君書旂魏君華堂等設局籌

辦就謝君叢殘之副本各依門類撫拾而補綴之並詳請直隸巡按使朱將志書原稿咨取飭發俾得與補編同付手民此則任縣志書告成之巔末也是役也創於謝陳二君劉魏諸君亦與有力而余得樂觀厥成贅名書尾藉以悉政治俗尙疆域水道今昔之不同其爲幸也何若顧余蒞任以來忽踰半載所晝夜焦思惓惓不忘者則以任邑九河下流失其故道大陸之墟陷爲巨澤陽侯每易肆虐居民病其漂沒尙無術以疏濬而拯救之又未免循覽志書而良深慚恧者矣

中華民國四年三月任縣知事山左王億年序

在 鼎 志

天津華新印刷局印

增補邑志序

一國有史一邑有志志與史相表裏者也史以載道道不外孝弟忠信禮義廉恥孔子之春秋紫陽之綱目胥是道也天不變道亦不變運雖變而天終不變守道而人羣以聚士習以端國體以立世界以成去道而人羣以散士習以敗國體以亡世界以滅史者道其所道故爲正史志者道史之道以爲道故爲良志世之趨新者動曰國體變矣君政變而民治古之所謂道非今之所謂道也依古而違今焉將迂闊而遠於事情矣其如道何世界變矣閉守變而交通中之所謂道非外之所謂道也尊中而薄外焉將因陋而昧於時勢矣其如道何不知道一而已

一者何也曰孝也弟也忠也信也禮也義也廉也恥也無古今無中外一也故夫人情之變也物理之變也事實之變也而道則不變準道以樹之鵠道合而褒之獎之表揚之激勵之以勸善也以勸孝弟忠信禮義廉恥也道乖而貶之譏之禁絕之誅滅之以懲惡也以懲不孝不弟不忠不信不禮不義不廉不恥也此春秋之微意也亦綱目之大法也吾邑志重修於宣統末造謝邑侯之所鑑定陳司訓之所編纂固已炳炳烺烺蔚乎大觀乃未及鉅版而清社已屋二公亦先後去職今四閱寒暑矣帝國去民國興開四千年未有之創局其間人情之變物理之變事實之變參伍錯綜不知凡幾苟不重新補輯以明大道則

帝國之所尙或疑非民國之所宜將自由平等之學說愈沿愈誤其何以教孝教弟教忠教信教禮義教廉恥以垂鑑戒示來世哉我邑侯王公下車伊始刻刻以益民正俗爲念慨世風之不古慮絕學之失傳咨命多士賡續前編予識淺學疎深恐未克勝任貽大雅羞奈斯道攸關不得不竭力維持焉任邑古爲晉地陶唐氏之遺風至今尙在其民之守孝弟務忠信遵禮義崇廉恥者亦旣沿爲舊俗雖國體有變世界有變而人心之守道正未嘗變也爰本此意詳加採訪其自達官顯宦學士文人逸民鄉耆奇男烈女凡有關於孝弟忠信禮義廉恥者莫不搜集補錄以光卷帙卽如疆域地利水陸物產人工製造以及新

政設施舉可以助成一邑之富庶以養成孝弟忠信禮義廉恥之風者亦皆備載靡遺俾後之覽者撫遺牒懷往事有以興起其孝弟忠信禮義廉恥之心則志之有裨於桑梓者孰大於是孔子曰道不遠人人之爲道而遠人不可以爲道吾亦曰志不遠道人之爲志而遠道不可以爲志斯卽續志之本旨也夫是爲序

民國四年一月十八日卽舊曆甲寅十二月初四日邑人前清舉人劉書旂撰

凡例

一志書之作以爲民也故凡有關地方利病生民休戚者但有足徵悉從甄錄隨事立論亦卽以此旨爲宗

一體例所存貴明統系茲則統以八門復就各門詳分子目事以類從文因事繫綱領旣得條目咸釐

一圖學近最發明然欲以米突之尺求若干萬分之一可供新學考證難資舊學研求茲仍計里開方循方定位庶城鄉遠近川澤短長展卷披圖瞭如指掌

一地理多詳分野而其理實未易言微論地球旋轉難拘以何度何方卽準天動地靜而言則昂畢高懸豈專斯境茲故詳

經緯而略星躔氣候至分庶堪推測

一沿革僅志大凡疆域只詳現界其統部之或合或分舊境之爲羸爲縮非關宏旨無事駢枝

一山脈河流爲地理所必要而本境則平原坦蕩河道紛歧水溢旱乾皆關民瘼故凡滌源疏委建閘開渠孰便地形孰資民力利害所繫不厭求詳

一人因地著村落始成其有築堡以衛民建坊以表里旣歸連類無取更端至古迹留遺何鄉傳播亦從附識聊助雅談

一物產因地而生風俗隨地而異爰稽厥類當附茲篇然考名義於葩經溯流風於史傳徒矜學識何與民生茲則撮物產

之大宗紀風俗之現狀盛衰嫩惡一覽可知司牧何人尙思
富教

一邑有建置無非民力民財然政治所關不容已也大而城池
次而衙署舊有之學宮壇廟新增之堂局園所以及橋梁館
舍悉匯斯篇記事之文隨條附入後之覽者庶識由來

一經政之設祇記大端用一緩二爲民惜財則賦役先焉崇德
報功爲民祈福則祀典詳焉欲酌行政之緩急當視斯民之
貧富則戶口土田有比例焉經費因乎地糧鹽引關乎民食
隨宜附述不別爲篇至承敝通變新政乃行然款目旣隨地
而殊興舉亦因人而異欲稽定制尙俟方來

一職官宜斷自 本朝而舊志於編輯官師方嫌未備搜求姓氏勤懇有加今忽從刪或爲已甚故仍循舊例過而存之其有政績者則分繫各條俾得觸目警心勉思樹立

一舊志選舉先明經次乙科次甲科謂宜順推不宜逆數然科舉時代旣以進士爲最榮自當以進士爲稱首今所表列仍以進士居先舉貢遞而次焉其自他途者則統以仕進附諸選舉之末

一人以地生地因人重則人物志焉舊存列傳頗多疏漏茲則上稽史冊旁採通志就其有可考見者詳爲補輯採訪所得依次序列然代以遠而或湮人以近而易附不遺不濫深愧

未能

一事有可紀而又不足爲一門者則統以紀事一切古蹟亦附其中略等類編以免煩瑣

一藝文一志不僅論文或取其有益地方或取其有關時局非此例也概不濫登

一舊文不能盡善而故事未可盡刪故鈔錄原篇則直言某撰節易舊作則區以略云至銘誌則體近頌揚採訪則語多鄙俚事期徵實詞貴求工筆削頓加不辭僭妄

一舊志所有不嫌於因舊志所無何嫌於創故辨證多抒己見序次亦本獨裁至義有未宣或立論以闡之事有未覈或加

docsriver 文川网
入驻商家 古籍书城

在文川网搜索古籍书城 获取更多电子书

何 樂 示

按以明之隨手拈來初無定例

天津華新印刷局印

任縣志修纂姓氏

鑒定

花翎同知銜任縣知縣湘鄉謝昂麟

編纂

乙酉科舉人任縣訓導房山陳智

錄事

廩生姜弼綸

繪圖

警務畢業生劉國英

採訪